

# Groamb èl hun Tadeu

## DISKAN

Ya ! ni vou berpet  
Él hun Tadeu, guir 'Fidéled !  
Ya ! ni vou berpet  
Guir gristenion, guir Vretoned !

1

Bretoned, e ven bout hanval  
Doh hou Tadeu a huéharal,  
Él d'hé, chomet *guir gristenion*  
Dalhet sterd doh hou Relijion.

2

El d'hé, pe saüet *de vitin*,  
Groeit hou peden ar hou teuhlin;  
*De noz*, bras ha bihan tolpet,  
El d'hé, ol ar un dro pedet.

3

Él d'hé, de *goén ha de viren*,  
Ként hou pred laret ur beden :  
Él d'hé hoah, de Zoué, hou krouéour,  
Keniget hou *poén ha labour*.

4

*Pe vou filaj*, tolpet, el d'ne  
Serviterion ha bugalé,  
D'en ol devizet el lézen,  
Laret un pennig *katechén*.

5

Él d'hé, *d'er sul* chervijet Doué,  
Ne labouret ket én dé-sé ;  
Él d'hé, kleüet en *overen*  
Get ur fé biü ha get peden.

6

El d'hé, eit chom ér stad a hrès,  
De *govésat* tosteit liés ;  
Él d'hé, get guir dévotion  
Tosteit liés d'er *gomunion*.

Èl d'hé, *tadeu, mameu gredus,*  
 Groeit d'hou pugalé bout sentus;  
 Eit ou desau keméret poén,  
 Kaset ind ol d'er *skol kristén.*

Pe zej er hours de *voéhién,*  
 Èl d'hé, dihoallet a dreisein;  
 Pautred, ne ret hou pilheten  
 Meit d'er *guellan dén a lézen.*

Èl d'hé, losket er *fal livreu,*  
 Groeit tan get er *fal gazeteu,*  
 N'on *dés én hé* meit *geuier,*  
 Ha d'er galon é hrant donjér.

Èl d'hé, jamés a *fal sonnen,*  
 Mès këntoh kañnet ur huerzen :  
 Èl d'hé, nann ! jamés ne grollet  
 Er *brolleu neué* miliget.

Èl d'hé, *dob ivaj* hum hoarnet,  
 Er *méz de noz* ne chomet ket;  
 Èn okazion a p'hum lakér,  
 Kouh ha youank, ol é kouéhér.

Èl d'hé, karet mat ol en dud,  
 Doh dén erbet n'hou péet *tabut* ;  
 Èl d'hé, béeh reih én hou *konzeu,*  
 Reih ha léal én *aférieu.*

Èl d'hé. inouret drest peb tra  
 Er *Huerbiéz* ha *Santéz Anna.* ;  
 Èl d'hé, béeh fidél d'hou *rozér,*  
 Douget dalhmat hou *skapulér.*

Anfin, eid achiù, Bretoned,  
 El d'hé hoah, kerhet d'er *vénéd,*  
 Ar hou tud varù én hou béieu  
 Skuillet dareu ha pedenneu.

D'el *Lézen* pe oé groeit brezél,  
 Hou Tadeu e chomé fidél ;  
 O Bretoned ! laret èl d'hé :  
*Këntoh merùel* eit kol er *Fé !*

Ya, laramb ol, èl hun Tadeu :  
 « Mar vé cherret hun ilizieu,  
 « Mar vé amand, mar vé prizôn,  
 « *Ni vou atau guir gristenion*

# Eid ol er ré zou é dobér

## DISKAN

Mari, hun mam, (1) hou péet truhé  
Doh hou kèh bugalé.

1

Ag en néan ar hou pugalé  
Tauflet ur sel a garanté.

2

Konfortet én ou zrebilleu  
En dud gouasket get er poénieu

3

Groëit ma tei en ol béberion  
De houlen get Jézus pardon.

4

Reit d'en tadeu ha d'er mameu  
Bout fidél d'ol hou devérieu.

5

Goulennet eid er vugalé  
Ma veint desautet revé Doué.

6

Lakeit joé é kalon er peur  
E viù diar bara ha deur.

7

Kaset, d'er hours, glaù ha tuemdér  
De gouéh ar zoar el labourér.

---

(1) Pé SANTEZ ANNA, pé O SANT JOÏEB.

8

Doh kounar er mor goarantet  
Buhé er gèh *varteloded*.

9

Reit hou penoh d'er *méchérour*,  
Ma vou gredus én é labour.

10

Er ré *klan* hag én *angoni*,  
Pèlleit doh t'hé er melkoni.

11

Ag er purgatoér délivret  
Ineaneu hun *tud treménet*.

12

D'er *Frans*, eit goarn én hi er Fé,  
Degaset peah ha liberté

13

Goarnet hun tud e zou genemb  
Hag er ré oueit *pél a zob-emb*.

14

Anfin aveid omb goulennet  
Er hrès ma vehemb *ol salvet*.

M. T.

Mat de vout mollet :  
Guéned, en 23 a Genvér 1906.

J. ER GUÉNÉDAL,  
vikér kapitulér.

Ur blank en diu hürzen. hag **dek ral** er hand ag er ré notennet. **pemb**  
**ral** er hand ag er réal. ha diu eid ur blank.

E ti G. Er BAYON, mollour, ru er Morbihan. en Oriant.